

## ET MENSURIS

deris, uidelicet Stagiorum, id est, Sextularū trium, ut interpres Nicandri scribit, de qua multa quoq; Iul. Pollux scripsit, cui opinio ni adstipulatur etiā Ysichius, qui λίχαριn interpretatur Siclum, qui idem est cū Stagiis tribus, & tamen Libra Græca communis, ipsa quoq; est Vnciarum duodecim. Est & alia Attica Libra, cuius meminit Rhemnius Palæmon , ponderis Drachmarum lxxv. quarta uidelicet parte minor nostra Libra, cuius supra mentionē fecimus, sed impro prie hanc Libram uocitari supra dixi. Dè Choeo non minor est uariatio, nam Choa Græcum supra diximus Latinū Congium esse, continereq; sex Sextarios. At Diuus Hieronymus Commentariorum in Ezechi elem libro primo, Choa Atticum, Sextari um Italicum esse dixit. Quam sententiā ne improbem, authoritas quoq; Plinii facit, qui libro decimoquarto de nectarite uino uerba faciens, quod apud Dioscoridem fie ri legerat, Vnciis quinq; radicis ἔις χοᾶς quinq; musti additis, uertit in Sextarios sex, ut Atticum Choa apud authorē (quisquis fuit, seu Dioscorides, seu alias unde ipse ac cepit) legisse eum credam. De eo etiam intellexisse Athenæum arbitror, qui Rhyton Rhyton, (cuius uasis etiam Martialis meminit) de-

Chœus

Rhyton.